



Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

Lectori Optimam Salvtem Avctor.

urn:nbn:de:hbz:466:1-9625

LECTORI OPTIMAM

SALVTEM AVCTOR.

Non breuiarium vitarum , sed breuem selec-
tarum quarundam virtutum notitiam dabo
nunc de ijs de quibus mortes & vitæ illustres, om-
nisque Societatis historia plura dedit , vel dabit.
Duo habet hic *Annus* in quibus à vitis illis differt:
alterum, quòd non agat latè nec annorum serie, vt
illæ vitæ, mortes, historia ; sed breuiter , & men-
sium ac dierum ordine, quædam virtutum docu-
menta de viris tali die vitæ functis tradat: alterum,
quòd plures viros memorabiles habeat ijs qui in
tomo narrantur ; nempe quorum latiorem vitam
texere in longiore illa historia operæ pretium vi-
sum non est, & tamen taceri non debebant, ob ali-
quid quod in vno alteroùne capite notabile in ijs vi-
detur ad imitationem , vel etiam admirabilitatem,
aut certè raritatem. Neque nouam rem ago in ti-
tulo *Anni dierum*. Nam celebre est in diuinis literis
nomen historiæ sub appellatione *sermonum dierum*.
Talem ego nunc paro in hoc virorum ac dierum
rationario historiam, quæ sit *sermo dierum* anno to-
to notabilium ab uno quopiam de Societate in
medium adducto in singulos dies, aliquando etiam
duobus aut pluribus, vt res feret. Cæterū Patres
hi ac fratres quorum hīc exempla referimus, tan-
4. Reg. 15

quam quotidiani nostri *operum nostrorum p̄fecti*,
atque ad virtutem per exempla domestici hortato-
res, instant, & vrgent nos veluti stimulis aureis ad
opera perfectè vnde quaque complenda; quemad-
Exodi 5.
modum p̄fecti operum instabant dicentes: Complete
13. opus vestrum quotidie. Præclarè terret, monetque
Tract. in
terre-mo-
tum mihi
pag. 26.
Exod. cap.
16.4.
1. Esdræ.
3.4.
colligat quæ sufficiunt per singulos dies. Hæc singulo-
rum lectio cui libet erit in uitamentum ad imitatio-
nem, & DEO holocaustum diebus singulis per ordinem.
Pythagoræi in arcanis suis documentis lege iube-
bantur manè quotidie cælum attentiùs intueri, ac
vniuerscipiam nomen, & exempla memoriâ repeterere
qui in officio suo fuerit accuratus. In vetustissimo
Ephesiorum Chartophylacio literis cōmendatum
erat, ut per singulos dies alicuius è veteribus nomen in
medium afferretur, qui singulari quapiam laude
virtute excelluerit. Hoc ago & ego. Neque san-
ctimoniaz, sed virtutis alicuius laude commemo-
rables haberi volo eos quorum nomina in hoc al-
bo recenseo. Neque enim Kalendarium sanctorum
scribo, sed viros in quibus virtus aliqua in actione
quapiam haud vulgari emicuit, licet forte horum
aliqui næuo alicui aut labeculae potuerint esse ob-
noxij. Nec velim arbitreris, omnes me hoc Anno
dierum memorabilium complexum qui in Socie-
tate fuerint virtute singulari prædicti, sed eos tan-
tum

tum quorum virtus explorata, & fidelis superiorum
ferè, calamo Romam perscripta, vel etiam vulgata
typis ad me peruenit. Eos qui hīc desunt, dabo, cùm
& de illis aliqua commemoratione digna singula-
tim accepero. Interea opto Lectori meo spiritum
oculosque S. Antonij, qui tanto virtutum studio fuit ^{Breu.}
incensus, ut quemcunque videret aliquā virtutis laude ex- ^{Rom. 17.}
cellentem, illum imitari studeret. Cæterū, satis scio,
poterant hæc ad certa virtutum capita, classesque
referri: at abundè id præstabit Index; & visæ sunt
hac dierum serie digestæ virtutes, nunc hę, nunc ille
attemperatè velut in theatrum prodituræ ad inui-
tamentum breuis quotidie lectionis; & si fortè id
cuiquam lubeat, etiam imitationis, id quod video
nonnullis placuisse in meo *Diurno quotidianarum*
virtutum, huius libri velut prodromo, Pragæ nuper
impresso. Imitationi hęc scribo, non admirationi, &
pompæ. Vnde & stylus planus, modestus, ac facilis
(& nonnunquam, prout fert occasio, ferè asceticus,
etiam pro capacitate tyronum) parabili quadam
perpicuitate, citra magniloquentię affectationem,
ita breuiter ac dilucidè res narrat, ut apud æquos rei
æstimatores, virtutes aliorum ostendat, non se ostē-
tet, contentus intelligenter perlegi, non laudari.

A V C T O R E S

E quibus hæc hatuta sunt si omnes afferri de-
berent, impleremus margines molestis nu-
meris, atque nominibus crebrius repetitis. Do illos
e 2 nunc.

nunc. Præter impressas, & M. SS. annuas, atque Societatis historiam, vitas, & Scriptores, usus sum. 1. literis Prouincialium, & Rectorū ad PP. Generales, vel PP. Assistentes datis, in quibus ponuntur elogia mortuorum. 2. Menologio M. SS. Iacobi Stratij, qui sua ferè habet ex annuis; nonnulla tamen ex alijs, maximè cùm dies assignat: quem ego tunc sum fecutus, cùm diem mortis apud alios non potui reperire. Vbi etiam aduerte, me illis quorum certum diem non comperi, ad marginem adscribere, *die incerto*; eos tamen collocare die ab alijs minus occupato. 3. M. SS. P. Philippi Alegamibe quæ ille ex annuis iam olim ante annos plus quam 30. collegit, & in orbis partes, Europam, Americam, Africam, Asiam partitè iam tum digessit; atque in Assistentias, ut vocamus, distribuit. 4. M. SS. Historijs Prouinciarum aliquarum, & Collegiorum, quæ penes me sunt ex Archiuo Societatis. 5. M. SS. P. Ioannis Valtrini, quæ ille è veteri Diario, & alijs primorum temporum chartis adnotauit; seruanturque in nostro Archiuo Romæ.

Aduerte etiam, Lector, me in visionibus &c. nihil affirmatè dicere itaq; vt ea pro compertis haberi velim; sed probabili eorum à quibus hæc habeo fide niti.

ANNVS